



翠翠集卷三十七

東吳俞安期羨長著

京口潘陸江如校

七言絕句一

對雪有懷金陵諸遊好

歐水部楨伯

解帶看花官閣前
江梅千樹不生煙
新詩一吐清寒色
明月高懸積雪天

余太史伯祥

雨雪秦淮暫卧時
籀書竹簡不停披
冢中新得周年傳
編到鉞山遠獵時

方法曹子及

柳市新居太可憐
漢宮西畔御溝前
雪消流出銅池水
乘漲清谿下酒船

陸文學無從

霞屋雲房覆紫藤
龍文鳥篆雜三乘
雪花吹溼青藜火
夜半移書近佛燈

吳兵曹公擇

折衝元只在高堂
列坐談兵雪滿牀
多少圍棋門下客
夜來賭縛左蠡王

顧司勳道行

散衙歸去脫冠纓
紫綺宮裘荷笠行
釣罷池流鋤罷雪
烹魚留客飯青精

馬山人明叔

都市行歌不易逢
江頭結屋住芙蓉
青天寫出峨眉色
積雪飛來第一峰

陳騎尉天樞

秦淮渡口柵塘邊雪覆茅齋斷午煙垂老閉門
僵卧日何如出塞枕戈年

謝文學少廉

錦裘披過莫愁家顧影翩翩度狹邪走殺赤騮
拚卽住雪中飛汗落桃花

釋雪浪

雪山曾叩道場來林下優曇樹樹開白鹿青禽
聽法後瑤花銜滿說經臺

梅文學季豹

遠携小婦住青谿楊柳行行列大堤一夜北風
吹遍雪饑鳥啼過白門西

酒家逢吳仲實因談舊事

秦淮煙月五陵花走馬相逢碧玉家一擲金鞭
笑携手錦屏春酒醉琵琶

伶人歌舞出中流乘筏當年水上遊日暮忽傳
收綵纜錦裘行獵向沙洲

周吏部署中賞海棠二絕

海外名花手自栽托根猶得近鸞臺有香不是

昌州種曾向郎官握裏來
細蕊疎花帶雨開向人綽約媚春杯
睡時恐是
喬家女顛殺周郎夜照來

朱郎教褚楊二美人歌索贈

按節雙教碧玉詞調中宮羽
宛相移無因坐上
偷迴顧只待新聲有誤時

次韻書所見

曲房朝卷紫綃衣
簾幙重重護翠扉
妝罷春雲
輕不動鬢花低向鏡中飛

楊家妝室詞五首

金鏤闌干曲曲通
交窗七寶挂玲瓏
香風檐下
微吹額一點梅花入鏡中

曲房絕勝避風臺
繡戶金鋪叩不開
昨日迎人
簾一捲東隣姊妹鬪妝來

玳梳斜下縷生香
擬試時新寶髻長
生惱侍兒
催見客春雲飛上合歡牀

紋籠開處紫煙微
蘇合薰多繞不飛
一樹菱花
明似月珊瑚枝上照更衣

明軒寶瓦覆琉璃私逕斜通閣道低每是臨臺
天近晚塗蘇障日步廊西

客梅禹金館招何四叔度

樹遶重簷雨氣青空齋薄冷醉初醒我來河朔
君知否中夜高懸一酒星

沈君典乞病歸杜門謝客月夜徒步訪余

大隱園

閉關聞爾避人羣卻過狂夫問白雲徒步莫令
當醉尉易教猜作故將軍

酒家夜答梅禹金見寄

水調歌殘夜不遙城頭北斗漸移杓阿誰更寄
梁州曲翻得新聲滿玉簫

酬欽之過訪石墅新居不遇留詩閔羽客
見寄

春水春雲日掩扉客來空自望漁磯輕舟聞過
花潭上鷗鳥逢君不肯飛

海上余方汎客星

余時遊海上

相如翻自住都亭

時欽

之來訪陳宜興

憑教羽士傳書至只道琅函落絳庭

過新都朱太乙旅館

俠客朱家任往迴市門西畔草堂開荆谿不是
為陶處却有鴟夷變姓來

代送中使織袞還朝

織罷冰綃進御歸鮫人水國暫停機自憐不
及吳蠶老一吐新絲上袞衣

題明妃出塞圖

黃雲深處日淒淒青塚猶聞草色齊漢殿曾攜
羅帳去春風留在玉關西

題蔣氏青谿水閣

小姑一曲蕩舟還閣在青谿第一灣日氣高懸
千仞壁石城疑對赤霞山

逢青山喻叟

采石壚頭散酒車柳枝吹落幾迴花昔年同在
桑麻里君在青山是谷家

寄賽兒

行雲無計落筵篔飛影空懸十二樓記取合歡
他日事茜羅裙帶解雙頭

懷化道中觀龍僉憲所俘欵長

昨夜飛書報賊平
卽看騎士獻俘行
翻風翔隼旌旗影
動地鳴鼉羯鼓聲

前行引幟兩行開
後隊縱金逐隊催
弓劍錚錚三百騎
朱衣齊護檻車來

徐行甲騎擁材官
白日遙開殺氣寒
高挂髑髏猶帶血腥
雲百尺墮旄竿

有苗亦自舞戈還
炎徼毋勞百二關
奏凱總傳新盪寇
論功應薄舊平蠻

以黃庭榻本寄張羽王侑之以詩

遺墨昭陵俱殉葬
黃庭舊榻已無多
贈君博得新詩寄
絕勝仙家白羽鶩

桃川宮讀方子及壁間詩悵然有感

次第仙宮弔古行
題詩驚見故人名
逐臣一識湘纍怨
便有新辭變楚聲

北園答明卿先生見留

壺山無暑石門開
留客殷勤未許迴
不信羈人心盡折
登高俱是望鄉臺

答明卿先生暑夜見東之作

苦熱中宵望遠空
詩來深自憶山中
始知冰井牀頭色
不及甌甌洞口風

後園曲和王行父

西水灣前寄狹邪
南津橋上度香車
後園萬樹蕭條裏
穠李雙開解語花

遇張姬調仲權

漢臯手挽七香車
問是張家小麗華
官道中間栽李樹
一株願作兩邊花

飲梅伯陽孝廉因觀沈啓南畫障

盤行碧玉椀
碑礫綺席高
堂宴客初愛殺
君家饒異味
湘東春酒武昌魚

秋色蕭蕭驚旅魂
相期累月索清尊
醉來忽起東歸思
畫裏青山認故園

書宋家故惱王郎

鴛鴦五彩羽毛齊
遊戲雙雙湖水西
祗爲王孫長挾彈
合歡枝上背人棲

寒夜凌乾甫席上聽杜姬歌三絕

參寥子集 卷三十七
霜月依微北斗斜寒簷垂幕醉流霞後庭似有
春風至五夜吹翻玉樹花

酒畔寒雲溼不飛忽令四座淚頻揮愁人不耐
哀傷曲堂上聲聲歎楚妃

開元法曲變來新西調南音總絕倫唱出內家
供奉曲宛疑相對舊宮人

昭涼詞百一首 并序

昭涼者鄂渚女子警敏多慧工藝解文侍余
讌遊眷焉周歲事無幽顯悉紀詠言余學佛

人聞之教典凡作愆過戒在覆藏是諸詩也
非逞淫辭聊懺我實過云爾

麗媛初逢南陌花驚猜不定立咨嗟乍疑天女
辭河渚或是麻姑落蔡家

微辭遣致態逡巡問是東園桃李春眉黛未添
京兆畫腰肢曾試楚宮塵

置酒高樓送欵頻夜深翻去避西隣擘箋一奏
千言賦乍許開帷奉錦茵

皓體溫香骨肉勻撫來猶恐夢中身誰家巧藝

能如許明玉雕成解語人

水碧形神絕代姿滿堂清映色飛馳騷人擬作
名花看春雪羅浮第一枝

拋擲黃金謝冶遊冰心一片落筌篲人間倘問
憐才事俠氣于今在女流

賦罷江妃誦不停心知此興託仙靈新居旋結
臨流水小額教題解佩亭

密籬編處對城隈西面堆成小石臺實土恰逢
春雨後催人連夜乞花栽

冰華香佩雪華巾畫出湘中九畹春上面各書
題識欵署名云是散花人

指下朱絲信抑揚解從舊譜辨宮商楚妃遺歎
傳來絕西調新翻爲補亡

春城月出夜啼烏赤石磯邊坐綠蕪子夜酷憐
江左調新詞一一唱吳歛

疎密安花自酌量瓊枝翠羽繞釵梁鏡前引鏡
重光裏燕尾能窺背後妝

紋籠薰被復薰衣日日含香在翠幃蘇合添多

頻啓視博山雲上彩煙飛

飾殘耀首立衰徊拂鏡重將錦匣開寶架盤龍
橫却月畫屏半掩著衣來

郊門東去遠探春墮馬妝成意外新翠蓋珠璣
都罷插隣園頻遣索花人

逸態仙仙出掌中登山長立綵雲叢身輕多佩
昭華玉不藉高臺築避風

月色低垂素練光王孫亭子臥中央縞衾斑駁
渾如繡花影窗西落滿牀

鈿車飛渡水南洲選得園池任意留每愛分曹

施古戲海棠花底對藏鈎

機警由來有妙思慣能邀錯吐微辭當筵一倩
司觴政座上杯行不敢遲

投壺堂上賭銜杯燕子雙飛矢不迴貫耳分開
齊報中似經天帝笑看來

一春花事讌遊中又見庭葩漸吐紅製得綵幡
長尺五赤竿低挂牡丹叢

結社蘭林宴曲池名流畢集每追隨故將險韻

書花片分送尊前索賦詩

赴宴時容暫入城侍兒隨處遣相迎牆東知有
窺人女防殺隣家孟浪行

頸長腹廣小銀罌曉起渠邊注水清杲杲東方
臨出日手携微雨噴花行

柳林花薄趁芳菲每却香輿遠步歸淺立微將
春帶緩風香蛺蝶遶裙飛

呼盧得雉罷呼聲五木都拋薄忿生起步庭前
邀不轉隔花背立打黃鶯

江北江南小別離也題錦字報相思妾心欲識
迴迴轉試看車輪道上馳

春雨江頭不斷飛春江衝雨望儂歸貪程長恐
身霑溼先備來時索換衣

繡架蒙茸掩戶斜薔薇開落爛成霞欲收香露
研膏粉綵索金鈴繞護花

落花風雨晝茫茫春去心情倦理妝早晚客來
佯卧病盤餐長在合歡牀

髻髮紛披曉自盤遺釵枕畔覓飛鸞起來不必

窺明鏡知是唇朱夜夜殘

苔綠官甌貯碧流中浮異石擬蓬丘遣收水藻
周遭放偷伺朱魚散子游

白白冰盤勝燭銀櫻桃盛滿試嘗新圓勻徐食
紅鮮實纖指長疑點絳唇

棐几光生對綺疏薛濤箋紙鎮碑礫抽毫細寫
江妃賦學得黃庭小法書

城下清池似影娥薄籠半臂弄微波墨花繡却
端州硯日日臨池自洗多

日晴鬪草向城南草品花名色色諳摘罷衆芳
都袖却裙腰獨自佩宜男

鴛鴦枕上晝眠時秘事傍人不遣知侍女近前
齊喚出玉鈎微響幔低垂

飯罷中庭小戲行養花甌畔動歡聲試將雞首
相思骨水面分浮看合并

酒酣同立綠莎堦驟去翻身墮爵釵三五微聞
花底笑東家姊妹鬪詼諧

文窻明透網鮫珠半壁青山展畫圖避客重扉

教反閉葳蕤銀鑰挂金鋪

高高簷幔捲織羅無事前廊晚坐多嬌語慣調
鸚鵡舌聲聲佛號念彌陀

朱欄綈幔坐飛樓江上携看競渡舟五綵絲繩
雙繫臂赤靈符佩玉搔頭

杏梁巢鳥喜幽清絃管經時絕沸聲乳雀試飛
窻下墮黃花采餵羽毛成

移住名園夏木陰坐臨池水日調琴聞聲每有
游魚出窺見姱容陡自沈

涼榭乘空水面開曲欄試作並頭來倚腮私語
聞香氣似有蓮花舌上栽

蜀扇持來出內家繪成五綵粲如霞中間翡翠
雙棲鳥立向交枝菡萏花

鰕魚色似季鷹鱸膾出銀絲味不殊飛下鑿刀
身手捷纖腰約束自當厨

分根手種菊花苗名色書牌各自標指問磁盆
郎認否均州青樣蜀山窰

藜藜茉莉自交加夜夜臨簷採素花簪罷常時

留數朶浸香泉水煮新茶

樹陰滿地午風疎石坐清池下釣初驚喜厨中
人語亂柳條飛送玉鱗魚

水亭炎月坐相宜顧影翩翩不暫離錦袖追嫌
垂手日玉釵不惱挂冠時

睡酣檀口氣氤氲紅汗微微溼簟紋玉枕故彈
頻喚醒夢中長慮去爲雲

桐樹前軒雨氣浮晚來風起漸颼颼短衣雙捲
輕綃袖香水金盆代洗頭

卧起凉開近水門冰紈籠體不生温縱橫玉麝
留微赭猶是交紋寶篋痕

眉黛微微薄遠山可憐最是病中顏經時不耐
開妝篋白玉橫簪作小鬟

晚浴東廊拭絳紗避風周取畫屏遮偶從屏隙
偷窺視錯道芙蓉出水花

畏遣蘭燈照解襦恐添暑氣入屠蘇冰毬籠取
流螢滿帳底呼爲不夜珠

庭堦露坐寂無譁林籟泠泠月向斜病酒不禁

中夜渴剖餐米井浸涼瓜

連枝錦帶繡飛凰歇力尋常出步廊買得江魚
親飼鶴呼來教舞白霓裳

日晡汲水灌池臺就取微涼小醉來薄薄銀米
千片落并刀雪藕佐雙杯

紗幮如罨碧煙輕獨卧長看午夢驚笑靨微開
時寐語分明聽是喚郎聲

遣興閒將奕譜傳日携碁局坐花前自從輸却
金跳脫置子長爭一道先

曝臺屋頂架亭亭別造飛梯豎小庭高步屢看
簷際立蜘蛛網上放蜻蜓

携尊濠畔對緋霞蓮葉亭亭似若耶喚取侍兒
常近立恐他偷採並頭花

遠水千花點蔚藍微風小艇蕩湖南就根剝取
蓮房子鮮味餐來第一甘

邀人七夕共祈靈酒脯香筵布廣庭頃刻持鍼
穿九縷喧傳得巧拜雙星

三尺長竿罨絲絲裝成遊鼠落罟恩東西擺作

迴旋勢戲引金猫撲地追

城濠濠北住畦丁半似山村結屋成携饁改裝
田舍婦就陰同飯荳花棚

旃檀買去供菩提徧及諸天大梵師別施金釵
裝佛母乞靈惟願便生兒

因果朝昏漸有聞竭來事佛轉殷勤今生猶恨
前生業學禮高僧懺悔文

曲室沈沈卧晚晴起來索慰病心情比隣抱得
嬰兒浴愛殺金盆拍水聲

庭下涼生共晚餐試求新果薦雕盤高枝滿挂
葡萄實攀落銀鈎綠玉竿

中秋明月挂城頭夜半無人始出遊歸向薄帷
施角枕東南日出照妝樓

桂樹花開采滿筐金膏研就色勻黃印文小作
鴛鴦餅先和閩州白蔗霜

玉枕霞漿曉帳前擁衾同醉復同眠倩人去典
黃金釧怕有隣家索酒錢

齋室雙扉晝獨扃焚香搦管坐銀屏貝多葉上

飛雲字虔寫皈依淨土經

佳節相期醉菊觴看山儂滯白雲鄉臨時誤却

登高會遣寄茱萸小絳囊

雙犬纖纖玉作毫金鈴各繫綵絲條傳呼次第

隨名至豎立筵前接食高

飛揚縞服曳長風遠上洪山禮佛宮手援金繩

登塔去爭疑天女旋行空

黃金繞指費雕刻竹節微稜細屈蟠一面教安

雙忍字時時長作佩韋看

洞庭霜後橘林開百顆教人遠索迴金殼玉囊

親自擘甘酸嘗過始傳來

剛是生辰喜遇晴邀僧禪誦復經行金錢更買

禽魚放自念真言呪往生

風塵每恨誤華年待嫁誰知意獨偏笑殺隣姬

長舉誓對神虛軟卓刀泉

越絲織組下吳機施色渾如翠羽飛寬窄不須

憑玉尺稱身裁出授郎衣

雞雛抱出綵離披小米同盤試食遲擇取衆中

毛色異命名呼作鳳凰兒

醉卧蘭膏徹旦明桂薪分火向燈檠小鎗自起
羹文雉帳底朦朧喚解醒

脉脉蘭心解自持向來小錯避人知偶拈舊事
尊前戲忽地嗔生不語時

蛟冰一片結銀塘朔氣無能到曲房朱火薰爐
煙篆起衣前不斷辟寒香

金色閩柑佛手同拋來枕畔當薰籠飛揚夜夜
香吹動翠被長翻帳裏風

漠漠虛簷幕凍雲六花如掌積紛紛晚厨檢點
餐餘飯拋向前除施雀羣

積雪松梢色皎然瑤鬕收貯水澄鮮春來更和
花房露留賽中冷第一泉

城鼓無聲玉漏踈煙花爆竹夜紛如獸形紅炭
圍爐側綵炬雙難待歲除

元正令節盛新妝列拜攬瑜笑滿堂紅汎椒花
持獻酒祝辭同進百年觴

拜歲西家挈共趨臨行舉袖小踟躕出門卜得

新年兆當面飛絲挂喜蛛

翦綵爲人色色鮮戴來斜傍翠花鈿別鏤金薄
雙華勝帖向圖鸞帳額前

自入新年戒殺牲獨餐淨肉噉魚羹更逢月六
清齋日小圃城陰摘蔓菁

小齋隣近葯房開緗帙縹囊滿架堆女史欲編
今古事花間別起校書臺

四照花開火樹高瑠璃光裏醉葡萄踏歌不待
雲中月夜夜燒殘白鳳膏

芳甸萋萋高雨乍生曝乾千縷綠沈莖縮成宛轉
同心結彩盒裝來贈出行

結束遊裝去楚關蕩舟相送涉江還離尊携出
愁成讖不忍同登大別山

分岐欲去重躊躇迴復叮嚀早附書一月郎無
江上信恐教剖盡武昌魚

雲杜李維楨叙云古人有言秀色若可餐惟
毛嬙西施昭君太真曹植謝朓李白王維可
以當之而司馬長卿夫婦各擅尤以爲難近

世無絕代佳人詩人乃似不乏此吾友王敬美持論云爾余嘗讀唐人詩賤日豈殊衆貴來方悟希承恩不在貌教妾若為容繇斯以譚古之名佳人者要焉有天幸身在閨襜非人人所寓目欲以評騭優劣無適為據詩人之作有目共睹上下數千年按其言而差次之毫髮莫能遁然則詩人成名之難非佳人可同日語也俞羨長為昭涼詞百首比于羅虬能以有盡之詞而抒不盡之情比于王建

能以有盡之事而發不盡之才可謂詩人矣余不識昭涼何狀顧羨長睥睨一世當不令魚目混珠而挾瑟市門之賤一旦與江妃漢女並流聲竹素間豈不甚幸哉夫天忌人多取其最忌者莫如才用其才于詩足以賤貴者而生死者幾奪造化權王司寇所著文章九命固其宜也彼佳人于世何輕重而天恒忌之貧困玷缺偃蹇天折無終無後略與文章九命等何也目之於色性也世寧有見好

色而不知愛者乎彼才士者有識與不識猶未必爲衆所曹好而人少則慕少艾無賢愚不肖覲若畫一樹高于林風必摧之女以色博名高爲天所忌職是故耳嗟乎佳人如昭涼得羨長詩以不朽而無救于既往之淪落詩人如羨長抱志四方無所遇而僅一得于昭涼名之爲崇從可知已柱下漆園著書首稱無名有味哉其言之也

安陸劉紹恤敘云楚之有詞賦自昔記之屈

左徒無論宋大夫親纂其緒泱泱乎表江海共成一國之風而宋所最著者惟高唐賦後世譚藝之家志之不倦卽以陳思王氣雄千古所爲洛神賦大都壹稟于高唐世之持論者謂攄情寄興觸象游神窮極要眇以各適其適二賦實狎主其盟昭明取而合併之有以也吾友俞羨長遊楚乃賦江妃其人則鄭交甫其事則解佩其取材則宋大夫陳思王之間余讀其賦以謂羨長弔詭爲交甫補亡

爾比誦所爲昭涼詞則知質有其人又生當
江之汜羨長賦不足而又繼之以詞詞以累
百不言而意甚得可知余比而觀之賦以敘
事故法勝法而不詭於情詞以宣心故情勝
情而不詭於法總之羨長優於才故才勝才
而不詭於法與情辟諸運斤承蜩然儻所謂
專一自然之符非與余嘗驟然調羨長曰卓
文君良家子司馬卿塵塵以琴心挑之文君
卽委心以終其身雖長卿有貳心文君不貳

也彼昭涼何許人其有胷無心者耶不然羨
長從他人國中奪賢豪者權而嘔心自苦亡
慮繁數千言何眎之漠如也羨長歔歛良久
曰此籍楚宮者也余曰司馬長卿遊梁時鄒
陽枚乘嚴夫子之徒相得驩甚梁孝王授簡
稱上客藉令當時有一人若昭涼者得當於
長卿余意且莫舉之若振槁耳楚故大國而
王之賢不減孝王賦奏而王奇其才舉
以畀子如亂所云云良非虛語豈所與游者

無復鄒枚諸君子其人乎殆過之無弗及者
豈其以一女子故令賢豪者僕僕于我土地
哉羨長不能語更爲歔歔久之嗟夫寧詎歎
遇合者之難耶李本寧謂羨長厄于時而昭
涼托非其所若將曰造物忌多取心切切憐
之余曰唯唯否否造物所以生成人亦多術
矣藉弟令羨長以其才資適逢世必將斤斤
奉軒冕不啻桁楊桎梏也何暇議於繩墨之
外昭涼生閨閣爲貴家子所適一非其偶終
身鬱悒名不踰閭內卽天下後世奚稱焉繇
斯而譚則兩人之相得益章者可盡謂造物
忌之乎本寧又曰漆園柱下必首無名余不
覺其爽然自失也因味言之以規羨長乃羨
長所爲詞若賦具在嫺于詞賦者有同好焉
無所俟余言矣

琴琴集卷三十八

東吳俞安期羨長著

校

七言絕句二

同李本立遊觀音巖分得斜字

巖石高開菡萏花飛泉百尺挂風斜松音也學
潮音響並禮青山似落伽

題魏正甫一曲亭

城南花木覆澄灣逕復谿流繞竹關別置孤亭

分一曲只疑舟入武夷山

題魏穎超影娥亭

池上清流石上開
天中明月照徘徊
亭間反射波間影
還似姮娥曳縞來

題李本石金粟齋

庭下叢陰覆石新
蕭齋日與桂爲隣
秋風盡吐黃金粟
徧見如來化後身

大谷園

入谷蒼蒼玉狼籍
千樹梨花覆林白
洛陽絕似

張公居春雪飄香滿瑤席

劉長欽約携酒過
集采芳洲適以病足不

至次君怡獻將命作主
率賦三絕惱之

虛期載酒問狂生病足
艱難采杜蘅但遣過荀
持杖者高懸真氣也東行

已拚從事林間醉復載
歌姬水上遊只少鷗夷
同汎去沙棠不似五湖舟

蕙帷愁卧葯房開
飛思應過石上臺
卽有侍童承唾立
何如妃女齧唇來

紀事為何二題贈張茗華

春風花滿鬱金堂力倦逢人倩理妝
畫就雙眉那可報自研膏粉傅何郎

為劉二題贈李水玉

風帶霞衣縞雪裳飄飄雲外學仙妝
山中自與劉郎遇不放胡麻下石梁

寄張公覲二首

顛狂昨在酒家眠醉裏君長送酒錢
一出夏門行澤畔獨醒吟對雨霜天

借客輕生已廿年輸君俠氣更無前
曾煩遠射聊城箭不遣黃金報魯連

簡陳天全明府時聞閉門抱病日讀內典

相逢苦憶十年前鼎水秋雲在渚煙
飛槩逍遙遊汎處平移歌吹木蘭船

居士君稱大辯才天花天女散香臺
近來知為衆生病曼室猶堪獨問來

訪蔡象貞文學壁間見王不疑詩喜賦

王城問客晚停車驚見中堂挂彩霞
解識煙書

題壁上方平曾過蔡經家

常武錢司理過訪因訊陳玉甫吏部

碧澗無由獻美芹更憑何物結殷勤城南江岸
多沅芷采得春香手贈君

往時陽羨神明宰君是隣人我故人近謝天曹
歸劍閣可曾天上送麒麟

將入南嶽途中穿松樹三十里

遠道遙遙接萬松道傍紛攫起髯龍籃輦穿却
蒼雲去疑向徂徠入岱宗

過赤帝峰題棋盤石

片石如盤置帝臺細看分道拂蒼苔居然六著
堪憑攬似有秦王對博來

文殊峰下觀絡絲潭

潭上懸泉出翠微風歸搖曳白紛飛驚看萬縷
絲成絡吹下河邊織女機

觀石舟

石舟膠石傍雲關若處飛來久未還倘遇秦王
驅入海東行好載石帆山

雲密峰

雲密峰高立紫煙禹碑蚪蚪字虛傳仙家石室
容誰住風雨孤燈夜夜懸

渡浯谿讀元次山中興頌

浯谿山水倍清華谿上聞營漫士家會頌中興
高勒字蒼厓千尺吐苔花

別盧孟龍

久客都梁不復留交遊情重更添愁殷勤別後
君消息小婦生兒字阿侯

時子孟龍尚
未舉子

朱欄翠幔擁如花別酒樓頭照落霞夢裏隨君
行樂處鳴箏長在莫愁家

龍賓華少參公尊行也家玉華山下自謂
得賓此山以賓華自號焉題贈一絕

矯然龍伯在人羣家世瑤林住白雲汝在青山
應是主豈宜終讓玉華君

爲公琥贈歌人

鴉青衫子茜紅裙鸞影翔風態不羣寶髻臨臺
妝墜馬鏡中初日擁春雲

閤阜山雜詠十五首

太極峰 葛仙公
上升處

縹緲孤峰擁赤旛蓮花直撲絳晨居五芝服盡
乘煙日想見風飄八景輿

玉女峰 仙公上升帝遣
玉女迎之憇此

九曜華旛列左行峰頭玉女珮鏘鏘寶函遣賜
朝元服遙捧飛羅絳綵裳

丁仙峰 丁令威
修煉處

秘室靈壇紫氣濃丁仙曾表赤泥封去家未化

遼陽鶴直是千年住此峰

東峰 上有葛仙
公禮斗臺

峰勢蒼茫北面開飛雲絕巘有高臺丹琳一片
平如掌曾捧仙人禮斗來

西峰 張道陵行
化有壇

峰磴縈紆鬱自盤真人行化有仙壇琅函玉札
飛雲字檢得芝封秘籙看

凌雲峰

石勢馮陵擁黛青熒熒秀色墮仙庭白雲平捧

雙螺髻似有天人掩玉屏

藏丹室 仙公藏丹石室

寶丹還後寄東厓石室冥冥闕彩霞滿地凝膏

銜紫翳風雷春幻鬱金花

擣藥臼 仙公擣藥鳥啄遺丹其鳴作擣藥聲

綠壁蒼巖紺石平披雲丹曰采金英靈禽啼過

前峰月猶作仙家擣藥聲

雙鯉石 琴高乘鯉駐此化石

化石雙魚遂不歸赤鱗曾是拂仙衣山風吹雨

春雲溼還似零陵燕起飛

金沙池 仙公浴丹處

金沙流湧辨仙蹤洗藥清池近碧峰應墮紺霜

沈綠水靈花長結紫芙蓉

丹井 仙公鍊丹所鑿

丹井深沈覆紫房空山仙去廢銀牀紅泉飛上

青絲綆給飲猶勝五石漿

鳴水臺

臨澗平臺覆綠蘿朝昏石上水聲多琅琅似拊

靈波曲清玉哀絲出絳河

劾鬼臺 仙公劾鬼處

秘符譴鬼著玄功僅有荒臺碧草中
魑魅于今驕白日人間何可去仙公

會仙橋 仙公會仙處

平橋短短截煙谿路接丹陵近不迷
每是列仙期採藥羽車飛過澗門西

四時桂 四時著花

娑娑桂樹是仙藜日日飛香繞絳宮
解結闔河

如棗實紫花長不待秋風

同宗良雜詠諸體

萬善菴

十笏青泥起鴈堂幢陰旛影水中央
波濤晚罷聞清磬似有蛟宮在下方

晚投茶園

花木家家覆短垣衆山迴合見平原
清夷風土如陽羨只謂茶園是故園

投剪石黃家

雨來下馬青林堂主人飲我金梨漿澗頭白石
夜不煑恐待明朝叱作羊

遇王煉士

羽蓋雲冠雪色裾潯陽江上御飈車自言家在
仙壇畔來爲麻姑遠寄書

入廬山道中遇雨積水三尺輿夫褰裳濡
足而渡紀事

水聲滿道接仙丘疑汎籃輿向十洲平陸沈爲
紫泥海飛濤懸作絳河流

黃龍菴送君霖南歸

初月同遊過月圓分岐猶在白雲前莫論千里
成吳楚山北山南已各天

送韓都護視船之淮陽

挂席南州向楚州軍需遠視汎河舟荒丘儻弔
王孫塚爭識君家有故侯

元吉出餞石亭

石上津亭酒獨携當尊含語復含悽片心直取
長留贈但看青山隔水西

張恭父以丹青客新都移居就殷金吾北
園賦贈二絕時恭父新娶婦因戲及之
幾車家具寄江湖半是煙濤海嶽圖似恐夜行
呵醉尉移居偏傍執金吾
黛篋珠箱手自移盈盈小婦婉相隨莫令閑却
丹青手日日閨中只畫眉

爲何二題梅

水部揚州閣已荒只留春色向何郎
米花斜倚房櫳畔也學君家傅粉妝

吳德藏居士壁觀作

花戶松房綠澗前空巖蕭寂對安禪
依稀飛墮嵩山壁片石長看佛影懸

題吳用賓讀書臺

高臺攤徧五車餘早暮松陰自索居
爲爾名山藏副本沙間蟲鳥盡成書

題吳鳴謙蘭生閣

并序

按蘭生漢武時酒名百米釀之芬芳布列吳
鳴謙善飲而嗜上尊余以蘭生名其閣從其

嗜也且鳴謙未嗣兼期燕姑之夢云

山閣煙雲擁幔青日携美酒醉春星國香待入
閨人夢藜火還傳父子經

題吳克階盤臺

蒼石高臺勢獨懸飛階十二屢盤旋中天往往
神仙下輕駕長留五色煙

入全州安刺史過訪問南嶽之勝且談昆
明山水賦贈三絕刺史家滇南其先梁
谿之膠山人安緒卿茂卿兄弟行

浮湘西入粵關初旅館先過五馬車入座未論
鄉曲事但從石簣問探書

蓮花千葉水潺湲聽說昆明越雋間總使長安
開漢武池邊那有碧雞山

膠山山下安期宅相過年年醉紫霞更復看君
仙骨在弟兄今日似匡家

舟經秦渠卽景作

秦渠曲曲學三巴離立千峰插地斜宛轉中間
穿水去孤舟長繞碧蓮花

初出灘江

桂楫輕舟下粵關誰言嶺外客行艱高眠翻愛
灘江路枕底濤聲枕上山

曉起簡張質卿

桂父元居桂樹邊安期東海過尋仙拍肩昨日
逢君後始信張星不在天

聞汝仙巖結屋成山晴邀客彩霞生能停閨裏
雙眉畫便喚江邊雙槳行

舟中贈彈琵琶者繡兒

故王門侍姬每有流落之感

緩調鴟絃敘恨端每因流落自悲酸浮江但侍
舟中宴出塞猶勝馬上彈

席上贈吳歌李長姬和象先玉字

嬌歌送款情飛屬扇底羞顏掩紅玉識儂本是
住江南偏唱橫塘采蓮曲

張羽王將李小卿餞于舟中

蘭舟歌舞出南津白雉山前判袂辰最是傷心
難別處可堪長袖更留人

過相思江有懷

水字相思若有神
湯湯日夜苦南行
微波欲托江妃夢
那得東廻過楚城

唐吏部惠酒

昭州名酒碧如泉
遣送翻呼旅客船
拚我尊壘蓬底醉
學君隣舍甕頭眠

過宋大夫玉墓

曠野招魂望四垂
長歌楚些寄哀思
荒原無樹離離草
何待秋來始自悲

過黃叔度墓

識度千秋信我師
道逢孤塚薦江蘼
誰知壘塊一杯土
埋却汪洋萬頃陂

沈碑潭

西峴山邊卽古潭
沈碑曾說杜征南
文章似是生光怪
早暮緋霞映蔚藍

鄖中曲四首

雞犬田家滿翠微
棘垣竹戶樹相依
扶犁婦女山耕去
背籠兒郎市販歸
衣裳楚楚緝麻成
筐籠深深采食行
巫鬼喧闐

同楚祀人言剛勁帶秦聲

城裏擔柴換白鹽村邊賣酒挂青帘土人領下
斜懸瘦士女鞋頭直豎尖

山城拓地挂嶙峋烏府開來色象新篳篥已非
三戶俗陶居多是五方人

雪後自鄖陽汎舟至均州將謁太嶽

雪山兩岸照行舟一道銀河白白流不待天中
之帝所逍遙先在玉京遊

周督學遣使見訊報以四絕

周遊名嶽歷雲關雙屐囊中偶未還不是龐公
戀妻子棄家將入鹿門山

昔從馬隊校讐年竹簡須君藏室編珍重甌瓠
洞中叟生時曾寄乞書箋

浮沅汎鄂屢迴旋橫有詩名落楚天往日武昌
丁給事聞傳新草到君前

一室長逃散聖禪聞君示病入新年觀濤豈必
枚生發片語吾令起霍然

畹蘭曲爲王叔治賦贈張麗人

宛洛名姬拂靚妝何殊蘭萼在清湘
紉來一作騷人佩花譜爭傳是國香

題面壁石

菩提多羅來面壁片石中留色身色塵埃拂拭
試相看折葦秋江舊曾識

無題

上東門外莫愁家春酒壚頭赤似霞
總爲羅浮音信斷春深一看洛陽花

金谷佳人洛水仙病中嬌怨倍相憐
微情何限難將語吐在鷓鴣第四絃

函谷逢方子東因託書訊子及于寧州

西來函谷亂山叢故友相持大道中
遮道我真逢尹令出關汝豈遇仙翁

舊遊語罷意悽悽鴻鴈分行遠道迷
欲訊汝兄題錦字青禽煩過豫章西

玉泉院觀李本寧太史碑適華陰王明府

送酒至

窈窕仙居谷口分看碑下馬立孤雲
石間字字

生真氣莫是周年藏史文

小院藤深古木蒼玉泉投飲乞清涼入門忽遇
持鬕使王烈分餐赤石漿

樊川尋杜少陵故宅

西從韋曲過樊川故宅山中問昔賢宛是吾家
新石墅小渠流水稻苗田

樂遊苑

禁苑紛紛起漢家樂遊南絕曲江涯至今滿地
瓊瑜錦四月風開苜蓿花

次韻答子斗見贈

海上三山遠別家秦川久客廢餐霞布衣近作
青門隱生事年年五色瓜

年少仙人點筆豪西秦公子楚臣騷手携一片
秋江色贈我枚郎賦後濤

答季量見贈時季量新刻自吟亭草

弟兄鼎立總詞場不獨陳家重季方亭上自吟
今始出年年春草過人長

索觀進父宗侯蘭亭古本

流傳定武蘭亭本聞汝深藏似辨才那得飲君
缸面酒蕭郎醉眼飽看來

宋生楮尾傳題字形體真如急就章若比十三
承旨跋屈蟠骨力迴蒼蒼

雨花亭中雙姝有乞贈者同諸君子分韻

空亭綺席坐花陰青鳥雙棲玉樹林眼語尊前
俱送款那能兩處託琴心

高高明月照平林珠影雙懸夜色深油壁車停
何處好西陵松栢結同心

過宜君是吳之矩謫居處

上城下郭蒼雲叢驛路高懸千嶺通仙尉謫居
住三月鳳凰谷裏玉華宮

五月十三日過六盤山遇飛霰

六盤山上密霰飛行人五月添重衣遙憶江南
竹醉日長林礧礧愁炎暉

溫明夫客死桂林詩以哀之

入粵淒涼客計違羈心苦憶舊林扉兩年兒女
遙相望誰道蕭蕭旅襯歸

登桂林西山遙哭計辰州光父二首

南遮桂嶺欲西遊
隔嶺炎雲學火流
不為哭君仍遠望
誰懸雙眼向龍州

辰陽郡裏月登樓
馬援祠前雨汎舟
哭罷遲徊懷舊事
山川此地似黔州

參寥集卷三十八

